

Samostalna zastupnica Elza Gaković

Sarajevo 28.01.2025. godine

BOSNA I HERCEGOVINA

FEDERACIJA BOSNE I HERCEGOVINE

KANTON SARAJEVO

SKUPŠTINA KANTONA SARAJEVO

N/r. Vlada Kantona Sarajevo

N/r. Ministarstvo zdravstva Kantona Sarajevo

N/r. Zavod zdravstvenog osiguranja Kantona Sarajevo

ZASTUPNIČKA INICIJATIVA

Na osnovu člana 106. Poslovnika Skupštine Kantona Sarajevo,

Podnosim inicijativu za pokretanje procedure za registraciju kontinuiranih mjerača šećera Freestyle Libre – Abbott na osnovu dominantnog procenta korištenja korisnika ovog medicinskog sredstva.

OBRAZLOŽENJE

Kontinuirani mjerači glukoze su inovativna metoda praćenja glukoze kod oboljelih od dijabetesa, koja poboljšanjem regulacije dijabetesa prevenira i odgađa teške komplikacije bolesti te na taj način donosi benefite i uštede cijelom zdravstvenom sistemu. Na području Bosne i Hercegovine je oko 1.100 djece koja boluju od dijabetesa a na području cijele države fondovi zdravstvenog osiguranja finansiraju korištenje kontinuiranih mjerača za ovu skupinu. Ukupan broj korisnika u državi je preko 2000 korisnika koji imaju pravo na finansiranje preko fondova. Podaci koji su prikupljeni ne obuhvataju 2 kantona Bosansko-podrinjski i Posavski kanton. Podaci za administrativnu jedinicu RS obuhvataju samo djecu iako neke općine finansiraju senzore za odrasle osobe. Najvećim dijelom korisnici se odlučuju za korištenje kontinuiranih mjerača Freestyle Libre kompanije Abbott koje smatraju sigurnim i pouzdanim za praćenje svog zdravstvenog stanja, a koji nisu registrovani u Bosni i Hercegovini te fondovi vrše refundaciju novčanih sredstava. S obzirom na takvu situaciju bio bi neophodno da se senzori Libre proizvođača Abbott registruju što bi umnogome korisnicima olakšalo nabavku.

Ovo su podaci o broju korisnika od udruženja širom Bosne i Hercegovine:

1. ZE-DO KANTON 98
2. BRČKO DISTRIKT 80
3. SBK 130
4. ZHK 100
5. HNK 170
6. LIVNO-K 10 48
7. USK 160
8. KS 410
9. TK 238
10. RS 500

Freestyle Libre senzori su u upotrebi širom svijeta već duže od 10 godina, najmasovnije su korišteni senzori u Evropi, sa najboljim ocjenama tačnosti i preciznosti MARD. Nadam se da će ubrzo biti poduzeti koraci kako bi se medicinsko sredstvo Freestyle Libre napokon registriralo u Bosni i Hercegovini te na taj način omogućiti da koriste sredstvo koje je izbor korisnika, prvenstveno djece.